



-Uprava Društva-

Broj: 01-OPK- 14561 /18
Breza, 04.12. 2018. godine

Na osnovu člana 69 stav (3) i 70. Zakona o javnim nabavkama ("Službeni glasnik BiH", broj: 39/14), člana 67. Statuta ZD RMU "Breza" d.o.o. Breza, broj: 01-SD-33/2016, Uprava Društva JP Elektroprivreda BiH d.d. - Sarajevo, ZD RMU "Breza" d.o.o. - Breza na preporuku Komisije iz Zapisnika o pregledu i ocjeni ponuda broj 01-OPK-14560/18 od 04.12. 2018. godine, donosi:

ODLUKU

o otkazivanju postupka nabavke

Član 1.

Otkazuje se Otvoreni postupak nabavke radova "IZVOĐENJE RADOVA NA LOKALITETU POVRŠINSKOG KOPA „KORITNIK II“ ZD RMU „BREZA“ D.O.O. BREZA " broj 01-OPK-12771/18 od 19.10.2018. godine iz dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Ova Odluka će se objaviti na internet stranici ZD RMU Breza u skladu sa članom 70. stav (6) Zakona o javnim nabavkama BiH.

Član 3.

Za realizaciju ove Odluke zadužuje se Služba za komercijalne poslove ZD RMU "Breza" d.o.o. Breza.

Član 4.

Ova Odluka stupa na snagu danom donošenja.

Obrazloženje

Ugovorni organ ZD RMU „Breza“ d.o.o. Breza pokrenuo je Otvoreni postupak javne nabavke broj 01-OPK-12771/18 za koji je objavljeno Obavještenje o nabavci broj 165-1-3-597-3-103/18. Komisija za javne nabavke imenovana Rješenjem Direktora broj 01-OPK-12212/18 je u zakazanom roku pristupila otvaranju ponuda i konstatovala da su u određenom krajnjem roku za dostavu ponuda dostavljene dvije (2) ponude, ponuda ponuđača "Trgošped" d.o.o. Kakanj i BBM Vareš d.o.o. Vareš, a što je konstатовano u Zapisniku o zaprimanju ponuda broj: 01-OPK-13407/18 od 05.11.2018. godine. Komisija je dana 06.11.2018. godine na zatvorenom sastanku, pristupila analizi dokumentacije priložene uz ponude, u smislu provjere njihovih validnosti s obzirom na iskazane zahtjeve ugovornog organa iz tenderske dokumentacije i utvrdila da dostavljene ponude ispunjavaju formalno-pravne i tehničke uslove i zahtjeve ugovornog organa, te da shodno tome mogu biti predmetom e-aukcije. Dana 08.11.2018. godine u skladu sa odredbama Pravilnika o uslovima i načinu korištenja e-aukcije („Službeni glasnik BiH“ br. 66/16) zakazana je e-aukcija sa početkom u 10:00 h sa predviđenim trajanjem od 10 minuta. E-aukcija je trajala ukupno 84 minute iz razloga što su ponuđači u 63 navrata korigovali cijene. Na sastanku Tehničkog kolegija, održanog dana 27. 11. 2018. godine, a u toku predmetnog postupka, između ostalog je konstатовano da Ugovor sa Termoelektranom Kakanj za isporuku uglja za 2019. godinu nije potpisan, a predviđeni rok za potpisivanje istog je bio 21.11.2018. godine i da će poslovanje preduzeća u 2019. godini biti otežano zbog najavljenih smanjenih količina uglja prema TE "Kakanj" u odnosu na 2018. godinu, kao i pada kvaliteta, obzirom na uslove kovanja uglja. U Aneksu 6. predmetne tenderske dokumentacije broj: 01-OPK- 12771/18 od 19.10.2018. godine, u Nacrtu Ugovora koji je sastavni dio tenderske dokumentacije, članom 15. je definisano između ostalog kako slijedi: Naručilac radova u slučaju pojave više sile može da privremeno obustavi proizvodnju na PK „Koritnik II“ ili zaustavi radove i prije dostizanja količina jalovine ili uglja iz člana 2. ovog Ugovora. Pod višom silom podrazumjeva se: „smanjenje mjesečnih količina isporuke, iz bilo kojih razloga, od strane Elektroprivrede BiH prema TE Kakanj, u odnosu na važeći kupoprodajni ugovor za 2019. godinu, ili od drugih kupaca čime bi se ugrozila otprema uglja“. U predmetnom postupku viša sila je nastupila nepotpisivanjem Ugovora sa Termoelektranom Kakanj za isporuku uglja za 2019. godinu u ostavljenom roku, jer od istog zavisi dinamika, uslovi, količina i kvalitet, kao i samo angažovanje radova na PK "Koritnik II". Neophodno je izvršiti detaljnu tehno-ekonomsku analizu radova PK "Koritnik II" koja mora biti u skladu sa Ugovorom o isporuci uglja za TE Kakanj za 2019. godinu, koji ponovo naglašavamo nije potpisan tako da je trenutno nemoguće tj. ekonomski neisplativo za Ugovorni organ nastaviti postupak predmetne




nabavke i biti će sve dok se ne potpiše ugovor o isporuci uglja sa TE Kakanj iz kojeg će se znati precizno koje količine, kvalitetu i koju dinamiku uglja će ZD RMU "Breza" d.o.o. Breza biti obavezan ugovorom isporučiti prema Termoelektrani Kakanj. Potpisivanjem Ugovora o isporuci uglja sa Termoelektranom Kakanj za 2019. godinu za koji je trenutno neizvjestan: datum potpisa, količine i kvalitete uglja, Ugovorni organ će pristupiti ponovnom raspisivanju otvorenog postupka nabavke radova na lokalitetu PK "Koritnik II" koji će predmetno biti usklađen odredbama Ugovora za isporuku uglja sa Termoelektranom Kakanj za 2019. godinu.

Iz navedenih razloga nastupanja više sile, a koja je predviđena i tenderskom dokumentacijom, ali nije mogla biti predviđena u vrijeme pokretanja postupka, a u skladu sa članom 69. stav (3) Zakona o javnim nabavkama, donesena je Odluka kao u dispozitivu.

Pravna pouka:

Protiv ove Odluke može se izjaviti žalba ZD RMU "Breza" d.o.o. Breza, u roku od 10 (deset) dana od dana prijema ove Odluke. Žalba se podnosi pismeno u najmanje 3 (tri) primjerka.


Izvršni Direktor za ekonomsko-
pravne poslove


Aiša Salkić dipl.ecc

Izvršni Direktor za tehničke
poslove


Amir Kulagić dipl.ing.rud

Direktor


Camil Zaimović dipl.ing.rud

- Svim ponuđačima
- Komercijalna služba-Odjeljenje javnih nabavki
- a/a